



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 2. Concilium Moguntinum.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum IX. cursiones Normannorum egregie propu-
 A. C. 888. gnaverat. Odonem unxit Walterius
 Tom. 2. Cap. Archiepiscopus Senonensis; habemus
 p. 291. que juramenti a Rege tunc editi formu-
 lam. Ceterum hæc electio cum consen-
 su Arnulphi celebrata; sed ipso invito
 † Raoul. Rudolphus † Conradi filius effecit, ut
 Rex Burgundiæ superioris, scilicet Regio-
 nis inter Alpes & Juram montem positæ
 renunciaretur. Is electus coronatusque
 est in Conventu Principum & Episcopo-
 rum, ad S. Mauritium in Valesia cele-
 brato.

§. II.

Concilium Moguntinum.

tom. 9. Conc. Eodem anno octingentesimo octogesi-
 p. 401. mo octavo, Arnulphi Regis primo,
 Regino an. ipso jubente, celebratum est Concilium
 889. Moguntia, cui tres Archiepiscopi Luit-
 bertus Moguntinus, Guillebertus Colo-
 niensis, & Ratbodus Trevirensis cum
 suis Suffraganeis interfuerunt.

Obiit Luitbertus anno sequente o-
 ctogentesimo octogesimo nono, eique
 successit Sunzo seu Sunderoldus, Mona-
 chus Fuldenfis, qui annis non plus duo-
 bus sedem tenuit. In Præfatione hujus
 Concilii Episcopi calamitatis publicæ
 causam peccata sua, & præsertim quod
 Concilia provincialia non convocaren-
 tur, esse confitentur. Tristem vero re-
 gionum

gionum faciem describunt in hunc mo- Sæculum IX.
 dum: *Videte & considerate, quam præ-* A. C. 888.
clara & nobilia Servorum Dei ædifi-
cia destructa, incensa, & ad nihilum
reducta sint; Altaria eversa & concul-
cata, Ornamenta Ecclesiarum Dei præ-
tiosissima direpta & igni exusta. Epis-
copi & Sacerdotes ceterique Ordinis
Ecclesiastici viri gladio truncati, omnis
ætas utriusque sexus, omnis conditionis
Laici gladio, igne, diversoque mortis ge-
neris consumpti sunt. Incolæ Monaste-
riorum utriusque sexus metuentes, huc
illucque vagantur incerti, sine Pastore,
omni auxilio destituti, quid agendum aut
quo confugiendum nescii, cum periculo
vota & professionem suam violandi.
Alia vero ex parte, innumera quippe
sunt gentis nostræ mala! turba raptor-
um & schismaticorum sævit. Hi pau-
peres opprimunt, nec Deum verentes
nec homines; ab ipsis namque, si deesset
Paganorum sævitia, in solitudinem dile-
cta patria redigeretur. Rapinas & cæ-
des parvipendunt, nec pœnitentiæ colla
submittere volunt.

Post Præfationem occurrunt Cano- Sup. Lib.
 nes viginti sex, maximam partem ex XLVI.
 Conciliis superiorum temporum, præci- §. 2. 3. & c.
 pue ex illis, quæ Carolus Magnus anno c. 2. & 3.
 Regni sui ultimo convocari iussit, excer-
 pti. Primi continent Monita generalia

Sæculum IX. de Officio Regis. Tum Arno Würze-
A. C. 888. burgensis † Episcopus ad aures Sanctæ

† Herbipo-
lenfis.

c. 8.

Synodi defert, quod homines quidam
scelesti venerabilem Presbyterum suum
comprehendissent, nares abscidissent,
capillos capitis rasissent, & sævis ver-
beribus cruciatum, semivivum reliquis-
sent. Hos Synodus excommunicat, &
pœnitentia homicidæ, qui Presbyterum
interfecerit, statuitur in hunc modum:

c. 16.

*Carnem non comedat, nec vinum bibere
præsumat omnibus diebus vitæ suæ. Je-
junet singulis diebus, usque ad vesperam,
exceptis Festis & Dominicis. Armatus
nunquam incedat, & nullo unquam ve-
hiculo, sed propriis pedibus proficisca-
tur. Ecclesiam per quinquennium non
ingrediatur, sed cum Missarum Solemnia
celebrantur, ante fores Basilicæ perseve-
ret orans ac deprecans Dominum. Post
expletum quinquennii tempus, ingredia-
tur Ecclesiam, non tamen communicet.
Dum autem duodecimi anni cursus fue-
rit finitus, reliqua pœnitentiæ opera tri-
bus per hebdomadam diebus impleat.*

c. 10.

Ejusmodi illa adhucdum ætate erat
pœnitentia, si qui crimina atrocita ad-
mississent. Clericis interdicitur, mulie-
res quascunque demum in domo sua ha-
bere; nam quidam Sacerdotum cum pro-
priis sororibus concumbentes filios ex
eis generasse deprehensi fuerant.

§. III.

§. III.

*Concilium Metense.*Sæculum IX.
A. C. 888.

Sub idem tempus celebratum Concilium Metense, in quo similes ferme tom. 9. Conc. p 412. Canones conditi. Convocatum est in Ecclesia S. Arnulphi a Ratbodo Archiepiscopo Trevirensi, quocum erant Robertus Episcopus Metensis, Dado Viridunensis, & Arnoldus Tullensis. Canones autem sunt numero tredecim. Dominis Laicis interdicitur, aliquam partem Decimarum Ecclesiarum suarum accipere (puta illarum Ecclesiarum, in quibus Jure Patronatus gaudebant) Presbyter duas Ecclesias non possideat, quia humanæ vires ad unam regendam vix sufficiunt, & curam animarum utilitatis suæ causa suscipere non debet. c. 2.

Pro labore sepulturæ nihil petatur. Presbyteri in Synodo libros suos & vestes Sacerdotales Episcopo exhibeant. Iidem nec arma portent, nec more Laicorum vestiti incedant. c. 3.

Cum Gumbertus Primicerius Metensis contra Judæos illius Civitatis querelas movisset, interdictum est Christianis cum hominibus perfidæ gentis cibum sumere. c. 4.

Duæ Moniales, admisso crimine, e Monasterio S. Petri ejectæ fuerant. De quibus statuit Concilium; eis reddendum c. 7.